

江油縣志卷之三

山川志

天柱山在縣北八里山小而高形如立柱爲縣治主山時有樵夫歌聲列八景之一

大匡山在縣西三十里一名大康山又名戴天山楊天惠彰明逸事云李白本邑人隱居戴天大匡山吳曾漫錄云白嘗讀書於大小康山杜甫寄白詩匡山讀書處頭白好歸來太白集有訪戴天山道士不遇詩名勝志云高聳亭亭形如匡字今有匡山書院光緒十四年知府蔣德鈞建

江油縣志

卷之三 山川

小匡山在縣西四十里一名點燈山又名讀書臺亦李白讀書處峰巔夜有光如燈但不常見

竇圖山在縣東北十里兩峰聳立鐵索爲橋所謂圖嶺飛橋也唐竇圖字子明隱於此山故名李白贈竇主簿詩云願隨子明去煉火燒金丹前蜀杜光庭有記考宋三朝政要伯顏伐宋自陽羅轉戰至焦山返圖山與竇圖別圖音垂

觀霧山在縣北十里霧起即雨以分陰晴極驗上有鐵互殿相傳普賢大士所建

天倉山在縣西七十里一名乾元山接平武界上有天倉

洞太乙真人洞洞深窅不可窮相傳昔有好事者深入七日火不繼而出見一鐵船云又名金光洞亦謂太乙洞洞中石粉如麪可食

太華洞在縣西北四十里三峰奇秀形似西嶽上有登真觀咸豐辛酉藍逆之亂避難者悉獲安全

戴天山在大匡山頂上有飼鶴池故蹟即李白訪道士不遇處瓦礫纍纍皆是其爲當日寺觀可知舊志謂在太華天倉二山之頂似誤

石人山在縣西北一名天池山寰宇記天池山在龍州南一百三十里高九十二丈上有池周圍二十三步其水

江油縣志

卷之三 山川

二

常滿號曰天池本名石人山天寶六年勅改靈液山今屬平武治

玉枕山在縣西十里上有川主廟

白魚山在縣北關外五里相傳有二白魚導水至山下飛去故名

永隆山在縣東十里上有文昌祠爲昔人會講游息之所火峰山在縣東二十里舊名翠屏山

響崖山在縣東南二十里方輿勝覽有鳴水山即此飛泉

觸石響應山谷

老君山在縣東北八十里高可摩天上有廟求之則不得

無心或遇其靈異如此

五祖山在縣東一百六十里五峰平列神秀插天爲諸山之祖隴蜀具瞻

五子山在縣東北一百八十里五峰特峙峭拔凌空每天欲雨煙霧溟濛

紫龍山在縣北十二里卽新開山舊有知縣余槐感雨亭佛藏山在縣東一百里高峰特峙嘉慶五年冉賊之亂鄉人五百餘避難獲全

公字山在縣東七十里嘉慶五年鄉民紮寨於此被害義士胡國林收衆屍葬之

江油縣志

卷之三 山川

三

天臺山在縣東四十里嘉慶五年將軍德楞泰駐師於此錫今名

鳳朝山在縣東一百里形如飛鳳環繞縣治

龍頭山在縣南五里以形似名又名迴龍山

馬頭山在縣南三十里上有古柏一株

金鳳山在縣東十五里

石馬山在縣東五十里

天馬山在縣東四十里

龍山在縣東五十里

藏鷺山在縣東五十里

盤龍山在縣東六十里

卧龍山在縣南新店場三面環水形似卧龍

鳳凰山在縣東金龍場形如飛鳳啣珠故名

廣福山在縣東四十里上有高峰寺寺中有龍王像座下

一井旱年不涸禱雨輒應

雲羅山在雁門場南十五里晴則雲散陰則雲羅

三臺山在縣西南十里

捧珠山在縣東五里

大茅山在縣東一百六十里即堯蓋山相傳五丁開蜀道

遺有堯蓋故名

江油縣志

卷之三 山川

四

古樓山在縣東四十里

高泉山在縣南四十里

金子山在縣東北一百五十里

三奇山在縣東一百二十里上有小石子宛如飛燕並產

硫磺

宗坡山在縣東北一百七十里與平武分水

石碑山在縣東五十里

天竹山在縣東北五十里

樓房山在縣東南六十里

古城山在縣北五十里

雲盤山在縣東一百二十里

仙女山在縣東六十里

雨壇山在縣東六十里早年鄉民立壇禱雨輒應

煙燉山在縣東六十里右有鳳凰山在兩河口北海棠鋪寨子山在縣東五十里昔人紮寨於此故名

玉藏山在縣東五十里

獸目山方輿紀要云山下有白滙龍潭上下凡三潭其水常流產茶名獸目茶考白滙龍潭皆在匡山之麓明葉松遊天倉山記云至白滙溪西循獸目而上者即此其地在縣西三十里今名趙家溝府志云在彰明縣北五里與白滙龍潭皆不合似當援方輿紀要與葉松之記爲是舊志軼今補

鐵旗山在縣西三十里大屋基山勢如旗長二十餘里接

石泉界

石磬山寰宇記云在彰明縣北自戴天山西向連接長三十里李膺益州記云西有石室方一丈三尺下有流泉味甘內有懸磬擊之聲聞數里四面石床高一丈方輿紀要云大匡山之西相接者曰石磬明葉松遊天倉山記云山水靈秀至大匡石磬而後止今在縣南三十里唐村壩石室流泉幽勝猶昔石磬尙存前有寺亦名此

江油縣志

卷之三 山川

點燈山即小匡山又名翰林山見方輿紀要

虎頭山在點燈山之麓形如臥虎道光間武弁某破土匪

何元富處

醴泉山在縣南石嶺場上有清泉旱年不涸

紗帽山在縣東雙板場下有流水可灌田百餘畝

大元山在縣東一百三十五里幽巖寂壑曾經避亂

大坪山在縣東六十里

亂石山在縣北四十里

佛印山在縣東五里關河口

皇后山在縣東四十里上有御馬池歷年不涸相傳蜀王

江油縣志

卷之三 山川

六

衍失國其如避亂於此

玉案山在縣北一里明統志在府東南一百五十里山頂

有白石如玉案

雲鑪山在縣東北六合場黑水塘上雙峰插天有石似鑪

日光照耀鮮明如鏡

天燈山在縣東雙河場西光緒十二年建廟

鳳凰嶺在大匡山右以形似名

高嶺在縣東十五里

石子嶺在縣東三十里青峰螺列蜿蜒三十餘里

柏了嶺在縣東龍鳳場上有古柏一株半枯半榮

銅鼓嶺在縣東四十里形如銅鼓故名

馬鬚嶺在縣東四十里

雞冠嶺在縣東十里以形似名

桅杆嶺在縣東十五里圖山下

桐梓嶺在縣北三十里檢石壩

郭家嶺在縣北三十里

箭杆嶺在縣東七十里形直如矢

梯子巖在縣西五十里壁立險峻有古藤二垂巖下鄉人縛橫木爲梯以通樵採藍逆餘黨遁陝時即由藤梯潛趨平武光緒間知縣李振武斷藤塞路以防土匪據險

江油縣志

卷之三 山川

七

手攀巖在太華山側路極險阻樵採者匍匐而上故名

佛洞巖在縣西北三十里因白漚溪下流入崖腹中潛行山下里許至此洞口復出外有石佛像鄉人祈禱輒應故名

燕嘴巖在縣西南四十里咸豐辛酉鄉團數千人與藍逆餘黨大戰於此戮賊數百賊勢稍衰

亮窗巖在縣北藏王寨對向觀霧山以形似名

涼水巖在縣東金寶場水從巖出早年鄉人於此汲取

天字巖在縣南四十里高數丈形如天字故名

石聖巖在縣東南十里上有大土石像

白巖有二一在縣南四十里一在縣北五里

石佛巖有二一在縣南大河灣一在縣東長地壩內均有

佛像

耀紫巖在縣南二十里菱角池後

觀音巖有二一在縣西三十五里產茶一在縣東十二里

虎頭巖在縣西二十五里

弔狗巖在縣東十五里以形似名

佛爺巖在縣南五十里上有石佛下有洞壑

巖嘴頭在縣南二十五里俯臨大河如龍奔江相傳爲縣

城門戶中壩來脈紳民因捐貲買山歸中壩火神廟世

江油縣志

卷之三 山川

八

守厯禁開掘土石免傷地脈咸豐初牧童戲於山頂平  
衍處砌石爲塔安邑疊見災異復請江油禁毀

石龍嘴在縣東十二里山勢綿亘俯臨大河相傳石龍過

江蜿蜒而下與巖嘴頭通氣歲貢楊翰材倡建惜字庫

於山嘴

鑽兒嘴在縣東雙板場形如覆盃連疊三峰爲本場來脈

白陽洞在縣東北百一十里舊志謂水自涪江二郎洞穿

出至江村口溢爲長坪諸堰滙陰平潼江今按洞在半

巖無水下另有水洞寬七八尺高可一丈土人藉作水

磨水碾其水順流至長坪過陰平東滙於梓潼江



龍門洞在縣北七里泉流入涪江中有龍床石筍之奇  
風洞在縣北三十里豬頭壩其深莫測相傳邑有風災由  
此而出持豚酒祭之遂止

龍王洞在縣南三十里袁家溝同治初山崩洞現土人執  
火深入見有石龍石虎光明透亮更有石鼓擊之填然  
觀者數千人乃封禁之

九龍洞在縣西七十里太乙洞內下臨深崖歲旱取洞水  
少許祈雨屢應旁有倒垂蓮花石竈

老龍洞在縣東八十里

黑龍洞在縣東五十里窅然深遠洞口僅容一人舊有龍  
江油縣志

卷之三

山川

九

王像清泉綫流禱雨輒應

大龍洞在縣東百里佛藏山下內有大小雪山光明奪目  
遇旱禱雨屢驗避亂者於此獲全

太白洞有二一在大匡山頂一在登龍橋畔歲旱取洞水  
禱雨屢應

豹子洞在縣東四十里石洞天可容數百人嘉慶五年  
土人避難其中賊百計攻之未破事平立碑以紀之

仙人洞有二一在觀霧山僧了然結廬於此洞口有桂四  
季開花一在圖山竇真人修道處

羅漢洞在縣東三十里洞門高朗內多佛像面對圖山清

曠可愛

朝陽洞在縣北一百里寰宇記云在州南八十里高數百  
尺陰洞潛穴氣蒸成川有飛泉下流一百里入陰平合  
榑水今按此洞在老君山

洞在縣西二十七里潭水淵碧歲旱禱雨輒應

在縣東五十里

在縣東七十里

在縣東五十里

合和洞在縣西二十五里

太平洞在縣東五十里

江油縣志

卷之三 山川

十

天花洞在縣東六十里

犀牛洞在六合場對河昔有犀牛出而食麥

方洞在縣東三十里洞高十數丈能容萬人嘉慶五年冉  
賊入境鄉人於此避之

仙女洞在縣南十里昔有仙女在內修真故名

三霄洞在縣東一百二十五里元山寺左

珍珠埡在縣東雙板場八里形如九曲珠故名

火石埡在縣東三十里距馬蹄岡二里嘉慶五年三月初

將軍德楞泰生擒賊首冉添元於此鄉人豎碑誌之

黃連埡在縣東五十里

土地埡在縣東六十里

官道埡在縣東南二十里

皇塘埡在縣東一百三十里通劍州西南要路

吼石埡在縣東一百一十里通劍州梓潼二處要路

關埡子在縣東一百四十里通劍州武連驛嘉慶五年德將軍勦賊於此

張村埡在縣東八十里嘉慶五年德將軍駐兵於此及今土壘猶存

貓兒埡在縣東北一百四十里由埡口出溝約二十里兩山壁立望之落帽中止一小河兩人不能並行

江油縣志

卷之三 山川

十一

金剛峽在縣東二百一十里巖壁聳絕只容一人一騎由連七寨進峽出菜溪河口約十六七里

向陽坡在縣東十二里有夕陽晚照爲景之一  
馬蹄岡在縣東五十里實子明遇仙處

涪江在縣北一里自平武縣流入又南逕縣東五十二里入彰明界漢志涪水出剛氏道徼外南至墊江入漢過郡二行千六十九里水經注水出剛氏道徼外東南流逕涪縣西又東南與建始水合水出平樂郡西溪西南流屈而東南流入涪涪水又東南經江油戍北又東南經南安郡南又西逕廣漢五城縣爲五城水又西至成

都入江元和志涪江南流經州城東又經江油城東水  
出金寰宇記水在江油縣北一里自松州崆峒山下出  
流入州界又南入綿州舊志涪水源出松潘衛風洞頂  
興龍泉小河入平武縣東南流一百三十里合源出白  
馬路西番界流來之火溪溝水會流二十里至平武西  
折而南又東分爲二派復合爲一名曰金盤河向東曲  
流五十里合源出鐵蛇關經羊盤溝流來之古城河及  
自大黃坪番界經白草鋪之高村河又流二百二十里  
匯眾山溪水入江油縣北繞東南經中壩司馬家沱分  
二派左抵常山之陰繞彰明城西會流出平武東平山

江油縣志

卷之三 山川

十二

流經江油馬尿水至彰明轉堰嘴崖合龐家場之小江  
河諸水南流今考古涪水出松潘廳東稍北之小分水  
嶺經平武城西東南流至古城南始曰涪江又東南流  
八十餘里經舊州東又折西南流四十里經煽惑溝今  
俗呼煽鐵溝又南六十餘里至趙盤堙入縣北界又南  
二十里經縣城東南又西南流三十里至中壩北分爲  
二派至壩南復合稍南至彰明縣城又分而經城之東  
西有小江河即古廉讓水自西北來會至城南復合歷  
綿州潼川遂寧至合州人嘉陵江過重慶府城北東流  
入於岷江

雍村河在縣西北十五里即古廉讓水其地今稱讓里村  
爲宋進士雍繁孫所居因以名河土人以涪江爲大河  
以此爲小河曰平通河者自平武之平通堡來也又爲  
青漪江又即圖籍所著小江河其源有二一出平武縣  
南藥叢山一出平武縣西南鎖江橋會於大印山之南  
東南流八十里至平通堡西折西南流八十里至縣西  
舊縣壩雍村南流二十里經中壩堡西又南十餘里至  
彰明縣西北與涪水會

通口河在縣南九十里由石泉鄧家渡至縣治元坪子達  
彰明漫坡渡

江油縣志

卷之三 山川

神農河在縣東六十里入陰平與朱家河合流

石盤河在縣東二十五里

杜家河在縣東七十里流入綿州合綿河

小溪河在縣東八十里匯入陰平

江村河在縣東百里源發白陽洞即陰平河上流

朱家河在縣東百里陰平下流匯入梓潼河

西遊河在縣東百里源自虎寨壩至羅廟直入劍州大河

兩叉河在縣東北五十里

乾河在縣南二十五里水從雙流堰口繞彰明縣界

柏林河在縣東八十里

一碗水在縣東十里

七迴水在縣東七十里

倒流水在縣西八十里唐村壩

馬湧水在縣西北三十里有水自石隙中出終歲不涸色濁而白如馬湧然土人引以溉田最爲肥美

沉水在縣東百里兩山高百餘丈排闥對峙萬壑奔流水勢洶湧下至於河則水沉隱不見由河底行數十里至乾河子始出

桃源溪在太華山源出山左之銀潮灣至小桃源入雍村河水清冽甘美居民百餘家用以造紙較他處特爲鮮

江油縣志

卷之三 山川

十四

潔今其地名賀家溝

龍潭溪有二一在縣西南五十里與石泉之響石壩接境大山盤結上有龍潭其深莫測山麓出泉流而爲溪流五里許與雍村河合即方輿紀要所謂百漚龍潭上下凡三潭也一在縣東六里源出竇圖山下流至石聖崖入涪江

百漚溪在縣西北三十里源出百漚洞至下庄壩與獸目溪合東流十里至觀音灘與雍村河合里人汲此水以作來其最佳

獸目溪在縣西北五十里俗名趙家溝溪之兩岸皆山爲

獸目山產茶亦以此名明葉松遊天倉洞記所謂西循獸目溪而上者即此

金盤溪在縣南方輿勝覽縣南至綿州以此溪爲界明統志在府東南二百里溪旁多沙石黃如金色故名舊志自平武縣流入縣又南逕縣東五十二里入彰明縣界天生池在縣東六里水極清冽居人資以灌溉

楊家池在縣城南門內

失鶴池一名飼鶴池舊志在縣西三十里大匡山下李白詩有洗鉢僧臨失鶴池句近人謂在戴天山之右且以戴天山在匡山之頂形最陡峻山後稍寬厰上有飼鶴

江油縣志

卷之三 山川

十五

池故蹟斷瓦殘磚纍纍皆是其爲當日寺觀可知

金魚池在縣東魚皆金色池水四時不涸

鯉魚池在縣東池深產魚

旱龍池在縣東八十里

蓮花池在縣西三十里

仙鷺池在縣東五十里深不可測有石倒垂如鷺頸故名淨水池在縣東北十里圍山進香者於此盥手

水壽池在縣西二十里下庄壩

小池有二一在縣東六十里泉出山頂可灌田數頃一在雁門場十五里水自廟中出卽階爲隄灌田數頃

菱角池在縣西北二十五里

清水池在縣西北二十里當亂山稍曠處天然成池水與地  
平雖盛夏亦清冽如常

碧波潭在縣東龍泉場內旱年車水禱雨輒驗

黑龍潭在縣東六十里相傳康熙時出水獸

養生潭在縣東四十里東林寺側

燕子潭在縣西五里武都壩

龍潭子在縣東北九十里江村對山後洞通平武大河桑園子潮涸不常

大佛灘在縣東北二百七十里卽平武青川河

江油縣志

卷之三 山川

十六

觀音灘在縣西三十里有石觀音像

老虎灘在縣南二里嘉慶五年總鎮托堵禦賊匪更名得勝灘

歡來灘在縣東四十里

灣灘在縣東三十里張家灣

照碑灘在縣西二十里

格兜灘在縣東五十餘里太史張琴家於此

虹馳灘在縣東百里鱗介繁盛下有石井深杳莫測

烏茗灘在縣北五里

神水井在縣東六里水甘不竭



龍宮泉在縣東三十里水爲繭市壩灌溉之資

觀音泉在縣南三十里水可灌田數百畝

龍王井在縣東門外

花石井在縣南三十里

甘泉井在登龍書院前光緒十年重修院舍此井遂廢

湘源井在小學堂體操場李申夫先生扁其亭曰湘鄉

蔣少珩守龍州重建登龍書院既成闢井於東偏因署

茲名出江油人士誦之光緒甲申主講席劍門李榕識

涼水井古井二一在縣東三十里一在縣東百里雙板場有

古井二一口可灌田百餘畝

江油縣志

卷之三 山川

十七

娃娃溝在縣北十里

洞溝在縣東十五里四時水不涸

龍子溝在縣東五里四時水不涸

野猫溝有二一在清規寺一在雙廟子

老黃溝在縣東十里

瓦廠溝在縣西五里

紫竹溝在縣東五里

三义溝在縣北十里

牌坊溝在縣南四十里天然生成石坊遂以名溝

孫家溝在縣東二十里

張家溝在縣東十里

龍王塘在縣東北三十里歲旱取水祈雨輒應知府李茲

作祈雨記刊碑知縣瞿緝曾刻靈泉二字於石

觀音塘在縣西六十里

竹灌塘在縣西十六里昔人嘗以竹筒取水灌田故名

養生塘在縣東南五十里觀音寺前魚皆紅色下有八角

井一碗泉天生石縫不乾不溢如碗盛貯涼能滋骨甘

可飲人

斬石龍在縣東百餘里有石如龍故名知府蔣德鈞因其

地民多構訟喟然曰龍可斬乎遂更名轉龍